

籌辦夷務始末

籌辦夷務始末卷之三十五

咸豐九年己未二月壬寅

諭軍機大臣等。此次各國議定稅則。內洋藥一項。從前未經定稅之時。聞地方官多有影射抽收。侵吞入己情弊。現在既經議有定章。官為收稅。各省自應一律辦理。上海為各省薈萃之所。尤應及早奉行。現經戶部由驛通行。諒江蘇省當已奉到。自己曉諭商民一體遵辦。特恐地方官希圖掩飾。壓閣部文。不能及早奉行。或以多報少。藉肥私橐。皆所不免。著桂良花沙納嚴密訪查。僅有前項弊端。即行會同該督撫據實奏。毋稍徇隱。且使夷商知此次稅則業經通行。獲利已多。桂良等亦可藉此為詞。

消弭兵燹。

癸卯。

諭軍機大臣等。前據勝保奏探報夷船過江。駛出燕子磯。有賊四五人。餽送縞紗等件。問知往漢口通商。有不开仗。大家和好之語。及回船到金陵。李奉喁等三人。直到賊礮臺。欲見太平王。進城後。該逆請夷酋飲酒。派賊目送出。隊伍甚齊。整各等語。並據上海探報之人稱。傳到喚夷赴長江之通事潘榮面詢情形。大畧相同。夷人句通逆賊情事。勝保遠在安徽。尚有傳聞。和春。何桂清。近在江南。更可知其確實。著即查明詳悉具奏。至該夷已與中國議定通商。忽又句通叛逆。其包藏禍心。殊屬叵測。現在

和約未換。反履堪虞。不可不密加防範。設或夷船再入長江。句  
通逆匪。著和春。何桂清。阻其入江之路。並於金山一帶。豫飭水  
師鎮將嚴密梭巡。勿令上駛金陵。與賊勾結。以防內患。其通事  
潘榮。想仍在滬。此人係屬要證。務須設法羈留。不得任其遠逸。  
勝保奏片。著鈔給閱看。

辦理軍機處為咨覆理藩院轉行俄羅斯使臣事。貴衙門  
送到俄國使臣丕公文一件。本處業已收悉。文內提及互  
換和約之事。前次本處文內原有一二十日即可送回之  
語。現在

欽差大臣桂派委妥當人員。由上海議送和約原件前來。已於年

前起身約計數日內即可到京。俟送到之日。即由

欽派尚書瑞經手互換。不至過於遲滯。此係緊要事件。想沿途格

外照料。以致不能迅速。並非無故耽延。爾使臣諒亦不至  
因此生疑。致失和好也。所有咨覆緣由。相應知照。理藩院  
轉行該使臣。至查照。須至啟者。

乙巳。吉林將軍景瀉等奏。茲據吉拉明阿咨稱。咸豐八年。  
本省將軍奕山親至黑龍江城。督率該副都統與夫酋木  
哩斐岳幅會辦分界。爾時夫酋執意在烏蘇哩綏芬河口。  
安設界牌。訊據吉林委員聲稱。綏芬烏蘇哩地接海濱。未  
能深悉等情。經將軍奕山。晚諭該酋至。再始將黑龍江左

岸空曠地方許其安靜居住。並與木哩斐岳幅互立字約。以烏蘇哩河口至海。為兩國同管之地等因。嗣准吉林將軍衙門咨稱。現派甯古塔三姓副都統。前往烏蘇哩綏芬河。查勘地界。而木哩斐岳幅業已回國。咨令晚諭夷目央。喪枯幅轉達木哩斐岳幅。毋得任其謬誤。遵即知照該夷。嗣該目送到夷酋文移二件。內開。已派夷官石沙木勒幅等馳往會勘地面。約於正月間。可抵黑龍江城。該副都統因尚未接准甯古塔三姓勘定明文。思欲暫緩其來。諉謂天寒雪大。馳往非時。俟冰泮船行。覺為穩便。據央喪枯幅答覆。俟石沙木勒幅到日。再行定議。隨即咨明吉林將軍。

衙門聽候酌量。曷敢輒許該夷目赴烏蘇哩只會勘地面  
分立界牌等因。聲覆前來。查該副都統吉拉明阿係經手  
承辦夷務之員。稔知該省將軍奏明烏蘇哩綏芬界屬吉  
林。經三姓甯古塔副都統尚未接准勘定明文。因該夷酋  
來文內有石沙木勒幅正月內可抵黑龍江城一語。為期  
太迫。思欲暫緩其來。諉謂天寒雪大。馳往非易。莫若冰泮  
船行。覺為妥便。委係推諉之言。未敢輒行允許。似無疑義。  
惟前咨該省轉飭夷酋毋得諉誤一節。係因木哩雙岳幅  
聞越黑河口。窺探地勢。又留人船越三姓貿易。爾時行令  
該副都統派員曉諭夷酋。毋得恣意湖游上行。該副都統

遵文曉諭。詎該夷酋輒稱伊等在黑河口等處行走。乃照前換字約。已經定准奏明。何必再說。隨即棄船折回等情。由黑龍江將軍轉咨前來。因該夷酋答覆言語狡賴。一面行知查勘地界之副都統等遵照。並飭履副都統吉拉明阿。令其曉諭夷酋。毋得任其謬誤。各在案。查副都統咨稱有三姓所屬赫哲費雅哈居住之廟兒地方。原有與俄國分界石碑。前於咸豐四年間。夷酋人船駛赴閩吞等處。蓋房將舊設石碑。私行損壞。曾經吉林將軍衙門咨照在案。等語。檢查成案。前派員赴東海查界。旋據稱行抵覽梅屯。詢據赫哲人等聲稱。夷酋赴海外。留兵占居閩屯。並據前



探委員稟報。隨帶招募通事。同至奇吉地方。見有夷眾。建蓋房間。據夷官聲稱。夷酋赴東海有事。分界之事。伊等不敢與聞。並據通事告稱。傳聞廟兒地方。有分界石碑。分刻滿漢文字。被該夷銷毀。各等語。因界未查明。節近深秋。恐冬寒河閉。擬俟春融。由庫倫黑龍江。各派員再行會同查辦各情。咨行各處在案。茲副都統吉拉明阿。竟以前此入界傳聞空言。作為疆域界據。殊堪詫異。查閱吞奇吉。切近海濱。相距烏蘇哩河數千里。去綏芬尤遠。而廟兒地方。尚在兩處迤東。即使該處有舊碑。亦屬毫不相涉。况原奏敘明通事傳聞一語。安知非該夷詭詐之言。且該夷如果得

有石碑憑據。豈肯私行損壞。係分界之碑。似應刻寫清字。夾字。又烏有滿漢並錫之理。種種妄誕。已有明證。吉拉明阿。係經手承辦之員。不思正言拒絕之計。率以臆斷。恐致滋要挾。應飭副都統據理剖辯。設法拒絕。查原定十四條內。尚有三事未安。應由夾山查覈。

硃批覽奏已悉。

丙午直隸總督慶祺奏。史榮椿會同格綢額。湯蘇會同龍汝元遵

旨於年內分別起程。茲該提督等已先後回津。將沿海情形繪圖分別咨呈前來。臣詳加校閱。甯河縣北塘海口。距大沽三

十里。大小商船來湖出入。人煙稠密。地勢險要。亟宜設法駐守。舊有礮臺七座。新舊安設礮位二十四尊。除不堪用礮位四尊。現存二十尊。距北塘三十五里。為營城莊。北接蘆臺。至海三十餘里。該處駐兵。可與北塘等處互為犄角。又豐潤縣湖河海口一處。本有營汛。舊設礮臺二座。距海五里。大小礮位四十二尊。除不堪用七尊。現存三十五尊。又黑鉛子海口一處。本有營汛。舊設礮臺三座。距海八里餘。距湖河口十二里。安設礮位三尊。兩翼大小鐵礮二十四尊。又灤州劉家河海口一處。本有營汛。舊設礮臺一座。距海五里。距黑鉛子礮臺九十里。安設大小鐵礮五十五

尊。又樂亭縣清河海口一處。本有營汛。舊設礮臺一座。距海三里。距劉家河礮臺五十里。安設大小鐵礮三十五尊。又臭水溝海口一處。本有營汛。舊設礮臺一座。距海三里。距清河口礮臺三十里。安設大小鐵礮四十一尊。除不堪用五尊。現存三十六尊。該處在樂亭縣三海口。迤北。縣城迤南。紮營於此。於防海守城。兩有裨益。又老米溝海口一處。舊有礮臺一座。距海六里許。距臭水溝礮臺十二里。歸樂亭城把總管理。安設大小鐵礮十六尊。又昌黎縣浪窩海口一處。本有營汛。舊設礮臺一座。距海二里許。距老米溝礮臺三十里。安設大小鐵礮二十九尊。又蒲河海口一

處。本有營汛。舊設礮臺一座。距海五里許。距浪窩口礮臺  
八十里。安設大小鐵礮十七尊。礮臺西北形勢高爽。可以  
繫營。又撫甯縣洋河海口一處。本有營汛。舊設礮臺一座。  
距海四里許。距蒲河口礮臺二十五里。安設大小鐵礮二  
十一尊。又臨榆縣地方秦王島。屹立海岸。三面臨水。本有  
營汛。隨巖原設礮臺一座。銅礮一尊。又石河海口一處。舊  
有礮臺三座。馬頭莊礮臺二座。均距海二里許。歸甯海城  
把總管理。安設大銅礮三尊。鐵礮一尊。察看地勢。甚為得  
力。應分別安營駐守。山海關東南姜女廟。距九江河口十  
里。時有避風船隻攬岸。廟東有沙岡一道。形勢扼要。係奉

天地面應設兵防守。此由天津至山海關一帶。史榮椿會同格棚額履勘之情形也。由大沽至祁口河相距百里。沿途灘港水淺。大船不能深入。祁口河海口係祁口營汛地。舊有弁兵莊後有礮臺形跡。該處水勢較深。而入口以後愈進愈窄。船隻礙難駛入。惟與大沽相近。恐該夷揚言撲岸。聲東擊西。分我兵勢。自應一律設防。由祁口至狼蛇子汎河口計程百里。沿途海岸俱係蛤沙積成。坡岸間多荆棘阻禦。長潮水至坡邊。落潮去坡一二里。俱係硬灘。船難停泊。其趙家溝徐家溝二處。雖有海口。僅止本地漁船出入。大船不能進口。狼蛇子汎地舊設有弁兵巡緝。並無礮

臺該處河身。上游現俱淤塞。尚非要隘。迤南之大山河。即大沽河。係山東海豐縣界。湯蘇等詢之該縣。此外別無口岸。察看該處河口。長潮時約寬四五里。水深四五丈。落潮時約寬二三里。水深二三丈。商船出入。僅泊口內城子地方。再進即形淺阻。夏秋之交。雨水盛漲。與海潮相連。水勢較長。附近之郭莊。關莊。有東省紮營舊址。詢係道光年間防夷所設。此由天津至海豐縣一帶。湯蘇會同龍汝元履勘之情形也。臣復查海防形勢。天津為

畿輔咽喉。大沽又天津門戶。自係最關緊要。北塘蘆臺。近接大沽。所有礮臺一切。亦應急速安置。其澗河口。黑沿子。劉

家河。清河口。臭水溝。浪窩口。洋河口等處。據史榮椿聲稱。礮臺土壘。均被水沖刷。日久未修。蒲河口礮臺。為沙土屯。掩秦王島礮臺牆垛。亦多損壞。石河口礮臺。須加高加寬。安營築壘。自係實在情形。擬即責成該地方官量加修葺。由臣派委候補道春保。前往認真督辦。各處礮位。尚恐年久未能全行得力。亦應隨時演放。量加整理。至防海各軍。應如何周密安插。以固藩籬。容與

欽差大臣僧格林沁熟商。妥為布置。大沽河地方。係直隸交界。曾

經東省設防。應請

旨飭下山東撫臣。撥兵駐紮。以重海疆。



諭軍機大臣等。慶祺奏遵旨傳知提鎮大員。查看沿海情形。繪圖貼說呈覽一摺。除大沽河地方。諭令崇恩酌量設防外。所有由天津至山海關一帶海口內。如北塘。蘆臺。近接大沽。最關緊要。礮臺一切。急宜安置。其澗河口等處。礮臺土壘。均被水冲刷。蒲河口礮臺。為沙土掩。秦王島礮臺。牆垛損壞。石河口礮臺。須加寬加高。安築營壘。並為興修。該督現派候補道春保。前往督辦。即著僧格林沁。慶祺。責成該道。會同各該地方官。迅速修葺。務期一律整齊。毋許有名無實。至海口地方較多。所有防海各軍。應如何擇要布置。以期嚴密。並各海口礮位。多恐因安設年久。未能得力。應如何量加整理。隨時演放。俾得通用之處。並著

僧格林沁慶祺悉心籌畫妥為辦理。

又

諭慶祺奏。遵查沿海情形一摺。天津至山東海豐縣一帶海口。經慶祺遵旨傳知總兵湯蘇等。前往查勘。茲據該督奏稱。查明狼蛇子汎迪南之大山河。即大沽河。係山東海豐縣界。該處河口。長潮時約寬四五里。水深四五丈。落潮時約寬二三里。水深二三丈。向有商船出入。夏秋之交。兩水盛漲。與潮相連。則水勢較長。附近之郭莊。關莊。有東省紮營舊址。係道光年間。防夷所設。請飭東省派兵防守等語。大沽河海口。水面較寬。且從前辦夷務時。曾經紮營。自係地關緊要。現當海防喫緊之際。所有該處

海口○應如何派撥官兵駐紮○以資扼要○即著崇恩○速行籌辦○毋稍延誤○

丁未○

欽差大臣科爾沁親王僧格林沁○察哈爾都統西凌阿○直隸總督慶祺○奏查海口現設兵丁三千名○均係附近居民○雖無農田○或駕駛船隻○或在鹽場工作○或捕魚為業○均可養贍家口○入伍充兵○均非所願○其應募而來者○大半並無一技之長○不能謀生○於一切操防○難期得力○現已將京旗京營官兵○抽出八百名○撥赴海口○分紮兩岸礮臺○即於新募兵丁○抽出八百名○飭赴雙港七紮○鄂西凌阿○統帶察哈爾官兵

五百名。在北塘海口駐紮。總管伊什旺布。統帶察哈爾官  
兵五百名。在豐潤縣之澗河口駐紮。其吉林黑龍江馬隊  
官兵二千名。據副都統格瑚額呈稱。樂亭縣屬之清河老  
母溝。各駐紮馬隊二百五十名。昌黎縣屬之浪窩。清河  
口。各駐紮馬隊二百五十名。山海關界內之白塔嶺。秦王  
島。各駐紮馬隊二百五十名。小河口駐紮馬隊五百名。至  
京旗京營官兵二千名。除撥赴海口八百名外。其餘一千  
二百名。駐紮雙港各營。兩盟官兵二千名。現飭副都統成  
保。統帶哲里木盟官兵五百名。在新城駐紮。頭等侍衛布  
爾和德。二等侍衛舒明安。統帶昭烏達官兵五百名。在新

河地方駐紮郡王銜扎賚特貝勒拉木棍布扎布頭等侍衛扎精阿統帶哲里木盟官兵五百名在雙港西岸駐紮圍場總管常山統帶昭烏達官兵五百名在雙港東岸駐紮並將攔河木筏豫為安設仍留口門一段以便往來船隻行駛此外河路地勢如有未盡周備之處即當添築礮臺續行布置以期有備無患益昭嚴密

硃批知道了。

諭軍機大臣等前因天津海口需兵防堵諭令侍順於大凌河挑選壯馬匹以備官兵乘騎本日據僧格林沁等奏據山海關帶兵副都統格綱額呈稱吉林頭二起官兵在大凌河所領馬

匹。均係瘦瘦矮小。驃馬懷駒者甚多。是以四起官兵均未領取。已由該大臣行文該副都統另行揀選解往。著侍順即行揀選。壯壯驃馬一千匹。迅速解赴山海關。交副都統格爾額。以資乘騎。其前次挑選馬匹不慎之員。並著侍順查明參奏。以示懲儆。

又

請前調錫林郭勒馬匹。因而未到哨。當諭令常清派員迎備。徑解通州軍營。本日據僧格林沁奏。兩盟官兵業已到營。亟須馬匹應用。所有前調錫林郭勒馬二千匹。此時如已到哨。著常清即派委員催趕前進。以一千匹解交天津軍營。一千匹解交山海關軍營。儘已由張家口行走。即著該都統知照。令其迅速分解。

各該軍營毋稍延悞。

辦理軍機處為咨覆理藩院轉行俄羅斯使臣事。貴衙門送到俄羅斯使臣王公文一件。據稱本月初三日本處咨覆之文。業經接到。誠心歡喜甚好。惟據稱給與明憑。令

欽派尚書

肅更改規程。此二位尚書是

皇上欽派大臣。辦事斷不至有錯悞。據文內稱本月十六日。要差官員奚特羅沃回國。可惜和約不能往送等語。現在和約已經由

欽差大臣

桂從上海護送到京。即可與

欽派尚書

肅見面。會商互換。儘可起於十六日送回本國。貴國既

與中國和好。自以妥辦大事為要。不可因小節而遲悞大事。所有咨覆緣由。相應知照。藩院轉行該使臣。不查照可也。須至咨者。

己酉。綏遠城將軍成凱奏。此次揀派綏遠備調官兵。軍械馬匹。既經拏飭已豫備齊全。惟查自咸豐三年春。奉飭征調計今七次。三年。六年。均尚准給俸賞行裝。嗣因屢經奉部飭駁。不准支給。兵丁賠補各項拮据已甚。若不籌給借項。一奉飭調。軍行緊急。稍有耽延。貽誤匪輕。拏成凱督飭協領等官。再四籌思。所有此次揀派綏遠備調官兵。如奉飭調。合無仰懇



天恩俯准每兵借給行裝銀十兩。每官借給半俸。以資衣履行裝之需。惟庫款支絀。無項可籌。查有本營旗庫扣存官兵駝價一項。尚可暫行借動。事竣飭即照數扣還歸款。至揀派歸化城備調官兵。等正在籌備間。旋准副都統德勝咨。據土默特叅領等呈稱。土默特官無俸餉。兵無錢糧。前次奉派防剿。均蒙支給官員全俸。兵丁全裝。現因征調頻仍。生計較前倍形艱難。今將應需器械。亦經備齊。但土默特向係屯居游牧。種地為生。並無拴養馬匹。亦無項款可籌。懇請籌辦等情。咨商前來。等查土默特蒙古官兵。與旗營迥不相同。該副都統所咨。均係實在情形。惟現當籌款維艱。

若仍照前支給。未免過優。若與滿洲官兵。一律籌給借項。事後又無俸餉扣還。鄂與副都統德勝。復加熟商。所有此次揀派土默特官兵。如奉飭調仰懇。

天恩。俯念窮苦蒙古。素無俸餉。每名給與半裝銀十兩。每官給予半俸。以資衣履行裝。至馬匹一項。現係備調天津海口防堵。若即時採買。尚須籌給喂養。如奉飭調。令其步隊先行馳往。儘有需馬之處。或就近由

欽差大臣撥給。抑或仍飭山西巡撫籌項採買。派員解往。應俟屆期再行籌辦。所有鄂豫為籌辦緣由。如蒙

恩准。一聞飭調。此項土默特蒙古官兵。應需銀兩。鄂即飭歸綏道

暫行籌墊。一面飛咨山西巡撫解撥總期兵歸實用。餉不虛糜。以利造行。而免耽延。

諭軍機大臣等。成凱奏遵旨揀派官兵備齊軍械。聽候飭調。並懇恩借給官兵銀兩及籌辦採買馬匹等語。覽奏均悉。此次綏遠歸化兩城備調官兵。業經該將軍等會同揀選。派委曾經出師得力之協參領等官。勤加操練。屆時統帶。惟現在新殺歸化城副都統桂成。即日可以到任。此項官兵及協參領等官。著俟桂成到後。再加挑選。將來如有調撥。即著桂成統帶前赴軍營。至所請綏遠城出兵官員各借半俸。兵丁各借行裝銀十兩。著准其於庫存駝價內。暫行借支。俟事竣。仍照數扣還。其土默特官

兵既係素無俸餉。所有帶兵官半俸。兵丁每名行裝銀十兩。著即賞給。毋庸再扣。惟此係整裝所用。總須俟聞調起程時。始可分別賞給。不得先期支付。至土默特官兵未有馬匹。著該將軍咨商山西巡撫。速即籌項採辦。派員解往。如奉調在前。即令步隊先行馳往可也。

壬子。

欽差大臣兩江總督何桂清奏。查辦理各口通商之

欽差大臣。雖係已成之局。一切皆有條約。可以遵循。與現在議撫之

欽差大臣。難易迥殊。桂良等既任其難。臣何敢於易為之事。安有

所陳自取警尤。而其中之委曲繁重。敬為我

皇上密陳之。

一撫議定案之後。其新添口岸。一切章程。雖應由各該督撫體察地方情形。酌量辦理。而各該督撫既未熟悉夷情。且於道光年間所定萬年和約貿易章程。及現在天津之條款。上海之善後。俱茫然不知。須由總理通商之

欽差大臣。主持指示。儻有中外意見不和之處。

欽差大臣即應親往查辦。以免另生枝節。臣前在上海。曾與桂良花沙納和衷熟商。擬於撫議定局後。奏懇

天恩。將辦理通商之

欽差大臣由京

簡放。即在上海設立公署。議給養廉。專司其事。以崇體制。僅有彼  
此齟齬之處。於督撫二人中酌量一人。飛檄前往。為之設  
法排解。庶可日久相安。

一上海為各夷聚集之所。應辦事宜。皆在上海。而夷性褻  
急。凡有照覆事件。俱限以時刻。

欽差大臣駐紮處所。若相離上海稍遠。文報往還。設有遲誤。已多  
饒舌。而事未身親。目擊。僕措置稍失其宜。即生枝節。故臣  
前有

欽差大臣駐紮上海之議。

一從前兩廣總督名為綜理五口通商之

欽差大臣。其實止顧廣州一口。其餘四口。督撫咨商廣東事件。或置之不覆。或於數月之後始行咨覆。以致各辦各事。

欽差大臣竟成虛設。若仍其弊。恐蹈覆轍。設使備名責實。似非兩江總督所能兼顧。故臣前有

簡派專員之議。

一辦理通商之

欽差大臣。雖貴熟悉夷情。然亦不可久住。蓋因取夷之術。不外待之以禮。示之以信二者。而外夷以親暱為盡禮。不能不與之酬酢往來。久則性情為其所稔悉。即狎而生玩。設法要

求似屬非計。各該夷之公使皆係隨時更換。其意未始不  
因恐與中國人情過熟有所瞻顧也。所有

欽差大臣似亦應酌定年限按期調換。

一兩江總督駐紮江甯省城。今因城池未復暫住常州。為  
後路策應。籌濟餉需。彈壓地方。一俟克復省城即須前赴  
江甯辦理善後。勢不能時赴上海。設該夷首藉口有事與  
欽差大臣面議。徑來臣所駐之處。或遣夷官僕僕往來。駭人耳目。  
似多窒礙。且該夷近來蔑視督撫。儻因不能如其所請。仍  
欲進京與大學士尚書面議。巡撫係同官一省之人。雖出  
排解亦屬無益。臣辦理不善。固屬罪無可辭。竊恐無裨大



局。

一自道光年間。嘆夷犯順。以至五口通商。一切皆係密奏。並不互相關會。亦無卷據可考。甚有同官一處。而不知其詳者。以致歧途百出。枝節橫生。該夷即藉為口實。肇釁要求。實為辦理夷務一大弊。此後應否將

欽差大臣。並通商各省一切奏牘。及欽奉

上諭。互相咨會。遇有交卸。專案移交。後任同官之將軍督撫。一體和衷熟商。俾事歸畫一。而收羣策羣力之效。

一道光年間。在江甯所定萬年和約。存儲兩廣總督衙門。並未頒行。是以現在尚有誤認廣東所定之通商章程為

萬年和約者。而該夷早已刊刻成書。四處發賣。民間轉無不周知。即上年在天津所定條約。各處傳鈔。皆從夷館中得來。經辦夷務各官。轉未之見也。應否俟定案後。將天津所定條約。與上海所定善後章程。通行經辦通商各衙門。一體知照。

一夷性奸狡。凡有所求。稍副其意。即得步進步。不遂其欲。又生桀驁。必得添列數事。設法挾制。遂其欲而後已。故取夷之法。惟有順其性而馴之。弗令惱羞變怒。即有無厭之請。尚可加以理喻。不致漫無限制。歷觀往事。無不皆然。此後辦理通商之

欽差大臣。如有據情代奏事件。僅於

國體無礙。或准或否。應請

明降

諭旨。俾得轉行欽遵。

諭軍機大臣等。何桂清奏。嚴陳辦理通商機宜一摺。前因廣東距京。寫遠。夷情不能遽達。致令藉端生事。欲赴天津。是以移欽差大臣於上海。並如何桂清才力能副斯任。援兩廣總督之例。授為欽差大臣。辦理通商事宜。茲據奏請。簡派專員。駐紮上海。議給養廉。以崇體制。至總督距上海較遠。事未親身目擊。恐措置失宜。並恐該夷遣人往來。似多窒礙等語。從前兩廣總督兼欽

差大臣。遇有各國議事。先派員接見。原非事事與總督面議。葉名琛並不派員接見。相視太輕。而又不設備。故爾釀成此變。如果傑縱得宜。亦不至蔑視督撫。况總督為地方大吏。足資彈壓。若另設欽差。以京中大員任之。恐遇事呼應不靈。現在撫局尚未大定。所有應辦各事宜。俟互換和約後。朕當再行詳諭該督。欽遵辦理可也。至該督已授為欽差大臣。即當與桂良等設法阻止。喫夷進京。並入江等事。挽回得一件。即為他時消去一件。後患未可徒託空言。至撫議已成。所有條約。自須頒發通商各省。一體遵行。然須仍歸欽差的辦。以一事權。具有據情代奏之件。該大臣要當擇其無傷國體者。方准代為上達。亦不得聽其

所求屢為瀆請。再前據勝保奏。美船有句通金陵逆賊之事。曾諭和春等。豫飭水師密防。從前辦理夷務時。團山關曾設礮臺。現在是否尚存。該處為入江要隘。著何桂清察看形勢。酌撥兵丁。密加防守。以備不虞。

何桂清又奏。竊臣接准

欽差大臣桂良等咨會。咸豐八年十二月二十六日。內閣奉

上諭。上海現辦通商事宜。與廣東相距較遠。著即授兩江總督何桂清為欽差大臣。辦理各國事務。所有欽差大臣關防。著黃宗漢派員齎交何桂清。祇領接辦等因。欽此。當即恭設香案。望

闕叩頭謝

愚。一。面。由。

欽差大臣桂良等。敬謹全錄。

上諭。先行照會各國公使。仍俟黃宗漢委員齎送關防到日。臣再行祇領。接辦各國通商事宜。其稅則章程。雖經

欽差大臣桂良等。會同妥議。而互換條約以後。即須查照新定章程。辦理。事等創始。效貴久安。臣惟有會商桂良等。先將現在應辦事宜。欽遵

訓諭。設法圖維。以冀中外商民。一遵成約。安分貿易。仰副聖主。又安海寓之至意。

硃批。知道了。卿之才力。足副斯任。惟願汝以大局所關為念。不可

任意更張。務期全國一體。尊國用。莫民生。以杜官吏之侵漁。以絕  
劣紳之觀餽。朕有厚望焉。

癸丑。正紅旗漢軍副都統增慶。

盛京將軍玉明。奉天府府尹景霖。奏。勘得止錫灣長山寺兩  
處。沙線重疊。礁石環錯。據文武各官等均稱。向無大船駛  
入。其釣魚臺海口一處。村落較少。棧房無多。背後陸路山  
連。該處存有四千等斤鐵礮三位。並咸豐五年商捐五百  
斤至七八十斤小廣鐵礮六位。此礮足堪演放。並無名小  
鐵礮三位。兵一百名。勇二百名。其大小礮位。均相度山巖  
安設。堪資堵禦。至馬蹄溝海口一處。礮位兵勇無多。雖口

岸較小。但有小凌河一道。與大凌河匯總。自北由陸路入海。小船亦可往來駛行。近海河口。亟須布置。惟天橋廠一處。逼近海沿。棧房雲集。詢及該處為江浙津郡商船交易之區。僅有四五千斤鐵礮三位。三千斤鐵礮三位。兵一百名。勇二百十八名。雖水淺灘薄。然口岸較大。自當加意嚴防。特增慶董以上各海口。相度形勢。其礮試演可用者。均應築臺安設。兵勇必須枕牆設伏。除面飭地方文武各員。趕緊先將大小礮鎗出鏽。及操演兵勇技藝。務令嫻熟。迨王明景霖親歷後。趕緊修理。至正月十六日。特由錦州東界。探明路程。該界至省。再由省至田莊臺等處。計有七百



餘里。弩恐有延時日。未敢拘泥。遂飭驛站暫停。勿庸枉道。應付。徑由石山站岔路附近海沿。輕騎兼程。於十八日即抵田莊臺。查田莊臺南距海一百餘里。北至三岔河八十餘里。鋪戶閭閻。濱臨河岸。自應設防保衛。可扼其北上。是為折中至要之處。查有一千五百斤及七百斤鐵礮共八位。練勇五百名。惟現在結凍之時。河身較窄。其河面尚寬二里有餘。弩伏思非添設大礮。安置營壘。不足以資防堵。於十九日馳抵牛莊。弩王明。景霖面見後。弩增慶將以上各口查勘情形。應如何布置。詳細公同商酌。王明。景霖。大概意亦相同。所有海口。總須目覩布置。以期穩固。隨由牛

英會同就近先於三公河上下一帶遵

旨查勘。伏思沒溝營為由海入河總口。田莊臺為沒溝營後路。又三公河迤北。乃田莊臺後援。努等周歷詳看。亟須安設礮臺。建立營壘。嚴密布置。以防內竄。惟沒溝營雖經努玉明景霖年前曾遵奉

諭旨。已飭地方官會同委員詳擬設防。仍須親歷查勘。惟努等三人同在一處。恐延時日。是以共同商定。努玉明先於二十四日分赴田莊臺沒溝營查勘一切。努增慶景霖暫在牛莊督同司員及旗民地方官等詳細復勘。查沒溝營與三公河一水相通。其沒溝營之北田莊臺。努等已共同的定。

安營添礮。設立嚴防外。自該處迤北。至開河城一段。水路計九十餘里。查此處係渾河太資河以上河身匯總之區。最為扼要處所。擘增慶景霖於二十四日。自三公河孫河兩岸。採擇紮營處所。勘得黃土坎。小姐廟。開河城三處。地處高阜。河面較狹。並河形迴轉。於設伏安營。均能合式。即按照合宜形勢。釘椿標記。以待興工。擘王明先於二十四日。分抵田莊臺。復勘河勢。實為折中之地。隨按岸往來相度。惟碾子房地方。安設大營一座。左右協濟營盤二處。非有大礮致遠。不足以資控制。按照相準處所。已釘椿標記。於二十五日。抵沒溝營。相度水陸形勢。及安兵設礮。築立

品牆。圍練鄉勇一千四百名。並籌辦設防各情。尚與努玉  
明景霖前奏飭令地方官遵辦情形相符。惟該處市街臨  
河。鋪戶蟬聯。俱在品牆以內。其河干隙地。一二丈至數尺  
不等。實為窄狹。施展不易。努玉明仍照前奏所擬章程。僅  
就品牆八十三堵。即於開河以前。加高培厚。並於品牆間  
設檣槍小礮。防其登岸。惟查沒溝營東首。水勢折流之東  
弓灣地方。最為扼要。非高築礮臺。安設大礮。不足以資扼  
守。正在相度間。努增慶景霖於二十七日。趕抵沒溝營會  
晤。又於二十八日起。努等公同逐日查看。該處西南即海。  
自海至營四十餘里。一河相通。雖有河身。自春及秋。潮水

灘平之時陸地茫茫不辨船道所履標桿駛行營壘難以採擇迨河勢迴環全沒溝營西北一轉兩岸始無曲折直抵東弓灣查此段河身約在十里以外寬二里有餘北岸則潮溝葦甸南岸居民鋪戶與河唇齒相連中間空餘多有不能及丈營內鱗鱗閭舍街巷窄狹亦無安營處所惟相得東弓灣河形復東折流西北查此處地勢高曠必須設伏營壘數座以待西來則可對面迎擊北上更可近臨截堵兼能保衛沒溝營背後一帶仍於營盤後添伏馬隊營盤二處以防登岸等公同商酌即在東弓灣一帶添築礮臺四座安設致遠大礮四尊以便截擊其東弓灣以

北田莊臺以南立科地方亦河水折流之處可以三面轟擊礮臺三座安設大礮三尊作為南北接應其沒溝營以南距進船海口三十餘里之沿河東岸雖多湖溝陷甸煙戶零星然距海口左近間有旱路可登未便稱涉忽易就東岸偏南蛤利坨地方安兵扼守並資瞭望如見洋面有警即飛馬馳報必早戒備而沒溝營之北岸徑路田莊臺四十餘里水路設防既嚴難保其不舍舟登陸自應在適中處所節節嚴防以備不虞但統查沒溝營等處原設礮位僅有三四千斤及數百斤礮三十七尊均不能十分致遠以上所擬緊要處所非體重大礮高臺礮臺不足以

資批守查

盛京向無大礮。等增慶王明景霖再四思維。合無仰懇

天恩。飭令京旗礮局。撥給大礮數尊。抑由火器營新造礮位內酌  
撥數尊。除奏請外。等已咨行。

欽差大臣僧格林沁酌量委員。可否由海道押運奉省。以濟急需。  
並咨取曾在天津監築礮臺諳練之員。迅速前來。幫同築  
辦。以期堅固適用。等五明景霖復以時屆春融。堅冰將泮。  
自應先事圖維。除飭調官兵五百名。現已到防。擇要安設  
外。所擬東弓灣折流之處。安設大礮一節。計所請大礮。到  
尚需時。先於該處添築土礮臺三座。將沒溝營原設二三

千斤鐵礮。調設三尊。並照前奏。擬在沒溝營沿岸築土礮臺十一座。因原設礮位不大。所需礮臺矮小。工料尚易。等玉明。景霖現已籌款。飭令旗民地方官。趕緊興工修築。務於開河以先。辦理完竣。暫資捍衛。等拜摺後。即會同起程。先赴金州所屬各城海口履勘。後再赴錦州所屬各處海口。會同詳查。如有應行添築礮臺。安營設防之處。再行具奏。

增慶等又奏。等玉明。景霖。擬計三岔口田莊臺。沒溝營等處。擬請添築礮臺。安設營盤。工程浩大。需用甚繁。綜統估計。約非十餘萬銀所能了局。再四思維。當此庫款支絀之



時○易○敢○妄○請○京○庫○帑○項○惟○查○有○長○蘆○鹽○政○上○年○應○撥○奉○省○餉○銀○十○六○萬○兩○當○因○直○隸○辦○理○防○堵○就○近○截○留○在○案○並○山東○歷○年○積○欠○撥○解○奉○省○餉○銀○數○十○餘○萬○均○未○歸○款○現○在○奉○省○亦○辦○海○防○事○同○一○體○需○餉○孔○亟○惟○有○仰○懇

天○恩○飭○下○直○隸○總○督○山○東○巡○撫○長○蘆○鹽○政○各○將○截○留○欠○解○奉○省○銀○兩○迅○即○如○數○解○交○並○請○著○該○督○撫○將○應○解○銀○兩○於○何○日○起○解○約○須○何○日○可○抵○奉○省○一○面○具○奏○一○面○先○行○飛○咨○明○確○以○便○趕○緊○興○工○

諭○軍○機○大○臣○等○增○慶○等○奏○遵○查○奉○天○海○口○情○形○擬○扼○要○布○置○並○繪○圖○貼○說○呈○覽○據○稱○該○省○沒○溝○營○為○由○海○入○河○總○口○沒○溝○營○之○北

田莊臺地方已酌定安營添礮。田莊臺迤北黃土坎小姐廟開河城三處均須設伏安營。至沒溝營地方前經王明著奏明安兵設礮。築立品牆圍練鄉勇。現在擬將品牆加高培厚。間設槍礮小礮。其東首之東弓灣須添築礮臺四座。安設大礮四尊。東弓灣迤北立科地方須築礮臺三座。安設大礮三尊。並於蛤利坨地方安兵扼守。至沒溝營北岸陸路亦應節節嚴防。惟盛京向無大礮不能致遠。請飭於京旗礮局或於火器營新造礮位內酌撥大礮數尊。由僧格林沁派員由海道運往。並揀派在津監築礮臺諳練之員前往築辦。此項經費非十餘萬兩所能了局。前有長蘆鹽政應撥奉省餉銀十六萬兩。因直隸辦防截留。

請即飭如數解交。以應要需等語。所請酌撥大礮。著僧格林沁  
即行揀選齊備。派員由海道解往。交增慶等分別安設。其所須  
修築礮臺人員。並著即行派往。至長蘆欠解餉銀。現值該處辦  
防緊要之時。自應即為籌解。著慶祺傳諭長蘆鹽政松齡。將此  
項餉銀。迅速籌撥。即不能將十六萬兩全行解清。亦須速籌數  
萬金。先行解往。其餘續解。以免貽誤要工。惟以沒溝營地方辦  
防經費。即須十餘萬兩。尚有金州錦州等處。現往查看。亦須布  
置。當此經費支絀之時。深恐難於籌畫。僧格林沁於安營設礮  
事宜。極為諳悉。慶祺曾任盛京將軍。地方情形。亦知大畧。增慶  
等所請籌防各處。有無可以刪減。地方遼闊。總以扼要為主。著

該大臣等妥為籌議具奏。增慶等原奏著鈔給閱看。所呈沒溝營。迤北海口圖式。一併發去。

又

諭。據副都統增慶會同盛京將軍玉明等奏。遵查奉天海口情形。擬擇要安營設礮。請將山東歷年積欠撥解餉銀數十餘萬兩。飭令如數解交等語。奉天沒溝營等處海口。辦防緊要。需餉較鉅。著崇恩將歷年欠解餉銀。速為籌撥。即不能將所欠之項一時全數起解。亦須速即籌銀七八萬兩。先行派委妥員解往。餘俟續解。以應要需。毋稍延誤。

黑龍江將軍奕山等奏。前在黑龍江與夷酋會辦時。因烏

蘇哩綏芬等河界屬吉林。必須咨詢吉林。再行定議。並有吉林委員據圖反覆曉諭。該夷酋勃然大怒。不辭而去。決裂情形。幾至不測。即派員婉言挽回。夷酋木哩斐岳幅答云。俄國之人。現在吉林闖吞奇吉等處。宅居有年。將軍豈有不知之理。必須換字方休。再四躊躇。與其決裂。曷若暫為羈繫。再據該副都統咨稱。請准將軍衙門咨關。現派副都統查勘烏蘇哩綏芬地界去訖。該酋木哩斐岳幅業已回國。咨行黑龍江副都統傳諭夷酋央桑枯幅。轉達木哩斐岳幅。勿任其謬誤等語。業已行文在案。嗣接據夷文二件。已派石沙木勒幅等。馳往會勘。約於二月可到黑龍江。

城。該副都統因吉林所屬。原有與俄夷接壤之地。且實古塔三姓兩副都統。查勘地界。爾時尚未接准回咨。而夷官即欲前往。是以推緩夷官。俟冰泮時再議。當已咨請吉林將軍。應否分立界牌之處。示履。以備曉諭夷官等語。此該副都統推緩夷官之實情也。再該副都統咨稱。前奉與俄夷通商。應酌擬隨就地方情形。酌擬十四條。當令副都統吉拉明阿。與夷酋木哩斐岳幅通商。該夷酋反覆未定。持十四條內有三條往返更換。迄今未定。亦未接准夷酋覆文。俟該夷酋覆到。換字後。具奏其木哩斐岳幅來文內。有二年後差學生到俄國學藝之語。據吉拉明阿咨稱。

與夷首會面時。木哩斐岳幅堅稱兩國和好。若言語不通。兩無裨益。可照俄國學生進中國學習文字之例。差學生數人到江右。俄夷所居屯中。伊國借給口糧。習俄國文字。遇事兩有裨益。該副都統未允。是以轉許俟二年後再行挑派。已咨將軍衙門。覆准在案。竊以通商條規。尚有未定。俟夷酋履文到日。再行議覆。至俄使丕業羅福斯奇到京後。並未聲言欲辦何事。該夷來文。有即照該來使商議之言。派員前赴興安嶺等語。俟夷官石沙木勒幅到黑龍江時。令該副都統詳細開導。並詢明夷使來京情節。再行具奏。

諭軍機大臣等。前因副都統吉拉明阿。輕許俄使。赴烏蘇哩口。會勘地界。當諭奕山。景瀟。查明具奏。並令將字約十四條。一併查奏。旋據景瀟奏。復吉拉明阿。令俄使俟冰泮後。再行會勘。係一時推緩之言。與本日奕山奏報大致尚同。惟綏芬河。烏蘇哩河。既不與俄使接壤。當時即應拒絕。何以含糊推緩。致令藉口。至所稱廟兒地方。舊有分界石碑。據景瀟原奏。本稱係通事傳聞之語。况該處尚在綏芬烏蘇哩迪東。與俄使現占之間。吞奇噶相距甚遠。亦豈能任意牽涉。指為俄使接壤之據。其字約十四條。雖稱商議未定。亦當先行入奏。豈有俟夷酋覆定。再行進呈之理。設其中有不能俯允之處。豈非又費脣舌。且所許二年後。



差學生到俄夷屯中學藝。雖云暫時搪塞之語。將來不能如約。亦徒費周章。吉拉明阿辦理夷務。任意顛預。著先行撤任。並著奕山據實奏。所有黑龍江副都統一缺。著奕山遴選明白幹練之員。切實保奏。或即簡放。是缺。或先署理。聽候諭旨遵行。其字約十四條。何款議定。何款尚須更換。仍著奕山查明具奏。夷酋石沙木勒幅。如已到黑龍江城。該將軍務將綏芬河。烏蘇哩河。不與該國接壤之處。詳細開導。據理剖辯。毋得再有含糊。自干咎戾。

乙卯庫倫辦事大臣德勒克多爾濟等奏。據護送俄使回國之台吉等報稱。俄使晝夜遊行。雖此次竭力跟隨。尚未

落後嗣後再有此等差使。恐多遺誤等語。查該吏使進京。如此苦累伴送官員。若佯為不知。恐將來該吏愈多謬妄之舉。業經行文知照該國。嗣後如有要緊事件。務派妥人。免致擾累護送官員。以敦和好之道。伏思護送吏使之領催等。每有查驗尸傷差使。人本屬無多。嗣後可否改派蒙古官一員。送到賽爾烏蘇。由該處派驛站章京。送至張家口。內口另行派員護送進京。如此改定章程。庶護送可無遺誤。而沿途亦可迅速矣。

諭軍機大臣等。德勒克多爾濟等奏俄囉斯旋回護送之員過形勞苦情形。改派蒙古幹員。分站遞送一摺。覽奏均悉。此次俄吏

那克里王多幅旋回。並未按站行走。晝夜遙行。居心實屬叵測。披閱該大臣咨行俄囉斯著固畢爾那托爾文底。尚屬合宜。即照所擬迅速咨行。俟後俄夷有緊要之事。復欲遣人來京。准其改派蒙古幹員照料。由庫倫送至賽爾烏蘇。由賽爾烏蘇改派驛站章京送至張家口。由口另行派員護送來京。該夷到時著德勒克多爾濟等。一面奏聞。一面飭知賽爾烏蘇行文張家口一體遵照辦理。

給俄囉斯咨文

為咨行事。上年十月。本處派出照料俄囉斯使臣聶克柳多幅等。進京之協理台吉珠克圖爾扎布。部院領催錫麟。

等。現在仍將轟克柳多幅等。照料旋回。抵庫倫。報稱該俄  
囉斯等。按站乘車。晝夜遙行。並未歇息。職等乘騎狂奔。僅  
能追及。甚或趕過傳牌。以致馬匹等項。不及備辦。稍有遲  
延。該俄囉斯即露氣忿。職等因思和好。任其奔走。由張家  
口。九天即抵庫倫。嗣後儘再派職等。按站照料俄夷。無法  
追隨。謹將實情聲明等語。呈報前來。查俄囉斯使臣。准照  
所請。由驛進京。係念兩國和好。仰副

大皇帝體恤俄囉斯至意辦理。該使臣等。不思和好。從緩行走。甚  
或趕過傳牌。以致馬匹遲誤。肆行氣忿。晝夜遙行。滋擾驛  
站。若累委員。實屬不合。相應咨行爾署。固畢爾那托爾。嗣

後如再有尋常事件。不可續請派員進京。務照大部指示商辦。若實有要緊事件呈請。差人先將案由聲明。再委守分良員。毋令經夜奔馳。以致滋擾驛站。若累委員。并將一日准行三四站之處。明白曉諭差人。按照和好辦理。合并知照。為此咨行。

硃批覽。

丁巳。

翰軍機大臣等。本日據彭蘊章等呈遞僧格林沁信函。版詳加披覽。所籌各處布置。均尚妥協。天津北塘至山海關一帶沿海口岸紛歧。若處處設防。經費兵力。均有不給。自應擇要辦理。現在

大沽北塘兩處防務已臻嚴密。山海關牛莊兵力過單。且夫人曾經窺伺。不可不據為添調。著慶祺即將宣化鎮備調兵一千名。飭交署總兵烏忠阿帶赴山海關。僧格林沁即紮飭墨爾根城副都統格額額統帶。以資協防。至安肅縣安家莊習教人數眾多。如果無為匪情事。勢難概行禁止。致生枝節。該督仍飭該地方官不動聲色。嚴加防範。萬一夷船北來。勿令勾結滋事。是為至要。

戊午。

盛京將軍玉明奉天府府尹景霖奏。查沒溝營係由海入河第一門戶。最關緊要。是以李等遵照前奏。沿岸一帶應築

矮小礮臺因其工料尚易。已經籌款動工。趕緊修理。以資捍衛。外惟營口東首河勢折流之東弓灣地方。係屬扼要。現擬安設大礮。添築高大礮臺四座。以備進口截擊。其小姐廟一處。係三公河上游。通省咽喉。僅距牛莊八里。尤關緊要。前已釘格三處。擬設礮位。酌築礮臺。以防北窺。以上二處。亟應先為籌備。但以庫款支絀。需項緊急。再四熟籌。不能不移緩就急。查有牛莊勸辦載種小船捐輸一項。計東錢二十八萬餘千。原擬作為海防兵丁口糧。及整備軍械之需。已經奏蒙

允准在案。現在擬築礮臺。應備物料。需項既殷。自應先將此款提

出東錢十四萬千。發交各該旗民地方官。趕緊備料。運抵東弓灣小姐廟兩處工次。以待請發大礮到日。並俟請調請練修築礮臺之員前來。量其礮位輕重。酌築礮臺尺丈。儘先開工興修。以期妥速。其田莊臺。立料黃土坎。開城河等處。應築礮臺。需項較多。仍擬俟奏准直東二省欠解銀兩到時。即一併購料興工。作速修理。其餘捐款餘錢。仍作為海防官兵口糧。及整修軍械需用。查現在沒溝營後路。駐紮官兵五百名。業於二月初二日到防。近因錢糧折減。已形拮据。今經到防。歸伍無期。自備資斧。力難久支。弩等公同酌擬。每兵按日應需口糧。叢給京錢四百文。如此得



節動支。可抵此項官兵數月之需。儻有緊急增調官兵。再當另籌經費。奏明辦理。

硃批。著照所請辦理。

壬戌。

諭軍機大臣等。本日已有旨。授恆福為直隸總督。並令馳驛即赴新任。無庸來京請訓矣。僧格林沁。現駐天津。辦理海防。所有籌畫餉需。及彈壓地方一切事宜。皆與總督商辦。恆福接奉此旨。即將巡撫印務。移交新任巡撫瑛。接辦。該督即馳赴天津。會辦防務。毋庸聽候部文。致稽時日。

欽差大臣科爾沁親王僧格林沁。奏接准軍機大臣字寄。二月十

二日奉

上諭增慶等奏。遵查奉天海口情形。擬扼要布置。繪圖貼說呈覽。等因。欽此。等遵。即詳閱該副都統等原奏。並沒溝營海口圖說。細加籌議。若如該副都統所擬。層層布置。節節嚴防。誠屬周密妥協。惟兵分力單。現在礮械亦恐不敷分布。即如天橋廠地方。雖倚臨海。而水淺灘長。登岸非易。該處現既設有兵勇礮位。即請無須增添。設或果有警動。錦州副都統駐紮之處。止隔六十里。可資援應。至沒溝營為奉省咽喉重地。各處商船。即在彼停泊。不能駛至牛莊。查上年和約內。原有牛莊通商之議。設使夷人必欲前往牛莊。應

由該將軍委員明白曉諭各處商賈。皆在沒溝營聚集。俗謂赴牛莊者。即係沒溝營地方。牛莊並無商賈行肆。惟海口通商。既在和約之內。未便設防。致起釁端。應於沒溝營海口以上之田莊。安礮築壘。加意嚴防。應請

飭下該副都統等。體察兵力。並所存軍械。如數分布。即擇要分布兩層。儘或兵力較單。礮械不敷。即可統歸一處。在兩岸扼要之地。屯紮。可期得力。其餘口岸。擬請無須安營築壘。交該將軍等。各就現存兵勇。酌派游兵。設伏哨探。果有警動。隨時就近飛報。各該管地方。相機辦理。至所需大礮。奪現將雙港安設大礮。並由京局運到礮位內的。撥萬斤大礮。

二尊。六千五百斤。礮二尊。五千五百斤。礮四尊。遠派兩翼礮營。駝騎校各一員。礮手兵各二名。直隸派委署武清營都司劉廷瑞。天津鎮標守備張化龍酌帶兵弁。雇備船隻。遵

旨由海道運往。一俟雇妥船隻。即行放洋。其雙港所設礮位。擬俟京局續有鑄就。隨時補運安設。至監築礮臺。請練之員。揀派現在軍營。直隸候補知州陸慎言。委前鋒侍衛雙成。剋期前往。聽候該副都統差委。

諭軍機大臣等。前因增慶等奏。查看海口情形。擬請擇要設防。當經諭令僧格林沁等。覆加酌覈。有無可以刪減。妥議具奏。本日

據僧格林沁奏稱。奉天海口。果能節節設防。誠屬周妥。惟恐兵分力單。且礮械亦不敷分撥。自應扼要布置。以期得力等語。著照該大臣所議。所有沒溝營海口以上之田莊臺地方。著增慶等。派兵於兩岸扼要處所屯紮。安礮築壘。嚴密設防。並體察兵力。及所存器械。如果足數分布。即分作兩層布置。僅兵力軍械俱有不敷。即可統歸一處。其餘口岸。無須安營築壘。仍酌派游兵設伏哨探。遇有警動。再行相機辦理。至牛莊本在議添通商海口之列。現雖未換和約。或夷船遠行駛至。自應揀派妥員。明白開導。使其不至騷擾。一面將詳細情形馳奏。不得遽行用武。致令該夷有所藉口。其餘一切事宜。俱著照僧格林沁所議。妥

為解理。原摺著鈔給閱看。

直隸總督慶祺奏。查該夷詭譎伎倆。全以赴津互換和約為詞。天津為京師門戶。全局攸關。輕於議戰。儻小挫固傷國體。即獲勝亦非長策。是以慎重圖維。惟期萬全無弊。况江浙漕糧北上之際。正當喫緊。一經開釁。該夷必以阻擾為挾制。更可深慮。苟意在嚴守內河。節節防禦。使該夷不能窺伺。以保大局。如其由滬來津。先示羈縻。派員迎至欄江沙外。與之理說。諭以

欽差大臣桂良等。現在上海。儘可在彼處互換和約。無須遠涉而

來。此間並無奉

旨專辦夷務大臣。惟當中國多事之秋。

大皇帝派有親王僧格林沁督帶重兵。巡防海口一帶。督臣慶祺係守土重臣。並未派辦和議。不能與外國使臣接見。且天津民情强悍。上年各國船隻紛紛駛入該處。紳民心懷不平。經地方官善言彈壓。始免滋事端。目前整理鄉團。嚴守疆界。雖為防備土匪起見。恐任意闖入。眾怒難犯。官亦不能禁止等語。該夷僕俯首聽從。回帆而去。自毋庸與之啟釁。僅復萌故智。任性闖進內河。則釁非我開。斷難聽其蹂躪。現在海口礮臺木筏水雷伏礮。竭力講求。遂層布置。雖不敢謂確有把握。然尚可以一試。即各路團勇能否得

力固當觀之臨時。而民心鼓舞。自知保衛身家。以亦大堪  
驅策。惟須籌辦餉需。以資接濟。庶於幾疆重也。有備無患。  
至原擬派令紳士前赴夷船之說。罕伏思紳民團練。本為  
該夷所忌。上年羅博衍等在廣東辦理民團。夷酋即多方  
挑剔。此時正藉紳民為制伏該夷之用。更不便使之出頭。  
設或被其羈留。尤屬不成事體。

諭軍機大臣等。本日據僧格林沁。遞到慶祺密摺一件。據稱天津  
為全局攸關。且當南漕北上之際。未便輕與議戰。如夷船駛到。  
宜先示羈縻。派員迎至攔江沙外。與之理說。仍令往上海互換  
和約。儻肯回帆。即可毋庸起釁。如竟闖進內河。再當觀釁而動。



所見甚為詳慎。著僧格林沁會同文煜。豫派委員。如果該夷船到。即往攔江沙外。與之理論。勿令駛入內河。其理論之詞。照慶祺所擬。亦尚寬嚴得體。惟所派之員。據慶祺所奏。不令紳士出面。固為周密。但派委員。亦應詳慎遴選。上年派委各員。如下寶書等。皆已懈於夷酋之狡悍。且與之習熟。恐為夷人所玩視。此次著另選明幹有才之員。派往理論。以免貽誤。慶祺摺著發給閱看。

癸亥。

欽差大臣大學士桂良吏部尚書花沙納。兩江總督何桂清。五品卿銜刑部員外郎段承寶。奏。夷酋額爾達前將往粵之時。

照會臣等在滬等候。伊於三四旬後。必仍來滬議事。目下將及五旬。而該夷尚無消息。若將此次所奉

諭旨恭錄寄粵。既恐該夷見我已不准其入都換約。即不回滬。立時駛赴天津。則臣等無從知悉。蓋在上海換約之說。係臣等欲阻該夷進京。故思照此辦理。正擬與之商議。適廣東安良局滋事。頓首悻悻而去。此說尚未言明。其專條一層。臣等因該夷說及條約。即云斷不能改。是以擬將

聖命挽回四事。與該夷當面定後。再行另立專條。以為憑據。正在設法商辦間。而該夷已回香港。故專條之說。亦未與該夷言明。此時若問該夷專條。伊必不知有此名目。夷務之難。

止在於此。必須宛轉設法。循循善誘。方能漸就範圍。若據事直言。非但難於挽回。且恐既啟該夷疑忌。即謂我為背約。轉致無從措手。該夷前在上海。曾云中國臣工所言。皆不足恃。前來照會。亦有責大臣等。尚不足以盡換約之權之語。是以怫然自去。今見黃宗漢關防既撤。或可冀其仍回上海。臣等命護上海道吳煦。及黃仲奮等。密探情形。迅速馳報。連日接據該員等稟報。及鈔來英夷新聞紙。大約總謂額爾回港無期。臣等計無可施。特將黃仲奮飛調來蘇。面議祇好備文照會。交該國領事官速寄香港。催令額爾回港。上。若果即來。臣等自當接續前說。詳細開導。總

期能令該表即在上海互換條約。臣等再將專條想法引誘令其甘心合立存據。期為萬全之策。此番夷性多疑。更形棘手。既廣東探獲文卷。窺破辦法。儘明言四事。正中所忌。必須委宛曲折。示以不疑。庶可商量。至條約內所載。進京換約。係第五十六款。與第三款。駐京及隨時往來。並非一事。去年該夷覆臣等駐京照會文內。有云。如果明年兩國條約交付之際。喚國特派大員進京。貴國果然無不盡禮優待。所有各節。悉按所約興辦。則本國大員自合命擇別地居住。或照定次。或因要務。隨時進京之議。為善體察此語。是該夷之意。必然進京換約。方肯罷去駐京之論。且

必言明或照定次或因要務隨時進京。是駐京一層。雖可消弭。而進京換約。及隨時因要務進京兩層。必不肯改。其情已屬顯然。臣等不便再與直言。故欲令其在上海換約。則目前進京之行。可從暗中消弭。其因要務進京一層。或另想別法。在期由五口。

欽差大臣。妥為阻止。皆不得已之苦衷。並非已與議明。可在上海換約也。昨見上海鈔來新聞紙內。有云。欽公使駕坐小火輪船。前往海南。欲看瓊州新口。因水陸未熟。未曾進口。惟在外邊遊行而已。現已回到香港。專候新公使噶嚕斯到日。一同前往上海。送新公使進京後。再議定粵省之事。或

分年限攤交。或別作措處。未進京之先。不必議辦粵事云云。其餘尚有數條。均另鈔錄呈。

覽觀新聞紙所載。該夫進京換約。其志甚堅。亟應妥為開導。臣等既有照會。催其回港。俟照覆回來。如何情形。再行馳奏。

硃批覽奏均悉。

諭軍機大臣等。桂良等奏。探聞夷情堅欲進京一摺。並鈔錄新聞紙呈覽。據稱探聞。頓首現在香港。專候新公使。噶魯斯同赴上海。即送其進京。未進京之先。不必議辦粵事等語。是該夫入京之志甚堅。桂良等能否阻止。尚未可定。僧格林沁到津以後。布置自己周密。仍著勤加偵探。嚴行防範。昨因慶祺密摺所陳。不

為無見。諭令該大臣商同文煜。豫為籌辦。想亦定能領會。所有桂良等原摺。併進呈新聞紙。均着鈔給閱看。

桂良等又奏。上年喚苗駛入內江。及至南京。粵匪初則與之開仗。繼則遣人講和。頓苗令喊。唆嗎。呼。唵。並數夷人入城。嗣據呼。唵。到上海云。該逆毫無紀律。見伊等至。或坐或立。亦無定次。謔譁錯亂。不知禮節。實係賊匪行為。該逆當時並給唆夷黃綾偽詔一件。七字成句。文理不通。該夷接到後。置之不理。當即答以告示一紙。並據呼。唵。云。匪黨口稱奉耶穌教。伊等詢以耶穌教中之語。該逆所答並非所問。夷人看賊不起。不屑與之往來。臣等曾將該逆

與夷人偽認及夷人所覆告示底稿鈔來閱看其中語多  
荒謬不敢進呈

御覽惟既有聞見又不致墮於

上聞茲特鈔錄一分咨呈軍機處備查

硃批知道了

丙寅

諭軍機大臣等昨據桂良等奏美情叵測一摺所稱上海換約及  
另立專條之說均未與該夷明言是該大臣等辦理此事至今  
尚無把握現在噸首到粵已久如日內折回上海該大臣等仍  
應與該夷議明在彼互換和約桂良等具有天良自必竭力補



救○惟○夷○情○狡○執○該○大○臣○等○迫○於○時○勢○亦○屬○勢○處○兩○難○該○大○臣○之  
苦○衷○已○在○朕○洞○鑒○之○中○因○思○駐○京○一○節○為○志○最○鉅○斷○難○允○行○至  
進○京○換○約○如○能○盡○力○阻○止○更○屬○妥○善○僕○該○夷○堅○執○不○肯○務○須○割  
切○言○明○議○定○由○海○口○進○京○時○所○帶○人○數○不○准○過○十○名○不○得○攜○帶  
軍○械○到○京○後○照○外○國○進○京○之○例○不○得○坐○輪○擺○隊○換○約○之○後○即○行  
回○帆○不○許○在○京○久○駐○以○上○各○條○如○肯○遵○辦○我○等○即○一○面○奏○明○一  
面○先○行○回○京○約○定○日○期○俟○我○等○到○京○後○爾○國○船○隻○方○可○前○赴○天  
津○庶○不○致○在○海○口○久○候○如○此○明○白○曉○諭○該○夷○自○必○俯○首○聽○命○其  
餘○三○事○即○可○乘○勢○開○導○僕○能○消○弭○一○事○即○日○後○少○受○一○事○之○累  
如○不○能○全○行○挽○回○亦○當○於○三○事○中○予○以○限○制○以○杜○該○夷○無○厭○之

求何桂清係五口欽差大臣。責無旁貸。一聞該夷回港。即與桂良等。同至上海。尤應盡心籌畫。王有齡。薛煥。吳煦。均能熟悉夷情。著即先行派往。遵照諭旨。次第妥辦。如該夷堅欲進京換約。何桂清即於王有齡等三員中。揀派兩員。隨同桂良等。馳驛來京辦理。免致該夷藉口逗遛。桂良等上年在津。於夷人駐京等事。率行允許。已屬咎無可辭。方冀前往上海。可以逐漸挽回。乃數月之久。迄無實濟。此次准其進京換約。實屬萬不得已之舉。該大臣等。若能仰體朕心。總須在上海互換和約。方為妥協。諒不至因朕有旨。桂良等即可將就接卸也。

又

諭前因桂良等奏探聞夷情堅欲進京。曾諭僧格林沁勤加偵探。並將桂良等原摺及呈進新聞紙一件鈔給閱看。諒僧格林沁已商同文煜豫為籌辦。現在嶺首及噶嚕斯是否即赴上海尚無確信。如夷船竟駛至天津海口該大臣等當遵照前旨派委明幹之員迎至欄江沙外與之理諭。告以此間總聽候上海信息。如欽差桂良等果有文移知照准令入口。此間必不阻止。若在上海並未議明斷不擅令進口。仍應回至上海聽候辦理。如此晚諭該首僅肯回帆自可毋庸啟釐萬一不聽理諭該委員即告以回明地方官代為請旨令該夷在彼聽候如膽敢開砲僧格林沁等已早為豫備即可觀釁而動備以兵威諒僧格林

河必能體會朕意也。本日已諭知桂良等妥籌辦理。一俟奏到如何情形再行諭知。備格林沁等的辦可也。

丁卯。

欽差大臣大學士桂良、吏部尚書花沙納奏承准軍機大臣密寄奉

上諭：洋藥未經定稅之時，地方官多有影射抽收，侵吞入己情弊等因。欽此。向來洋藥自外夷售至上海，運往江蘇省城各行棧分銷，或發往關北各屬，或往清溝以南。名曰有干例禁。實則到處通行。各關既無徵稅明文，所有經過地方官吏胥役人等影射抽收，侵吞入己等情，誠恐不免。方今甫

經奉文。每百斤徵銀三十兩。按關抽稅。凡販運此貨者。皆知稅課較重。難保無繞越偷漏之弊。且向有地方土匪。三五成羣。包攬護送。今此項人等。無利可圖。仍恐代為想法。漏稅。希圖漁利。甚有不肖官吏。欲飽私囊。從中徇庇。亟應密為訪察。以清弊竇。惟查洋藥進口以後。內地各關。逐處收稅。若均照三十兩之數。轉恐成本過重。商人設法偷漏。亦不可以不慮。目下上海雖已奉到部文。而前由粵等。飭令護上海道吳煦。向各國領事。令其即按新定三十兩章程。妥為興辦。旋據各該領事覆稱。向來中外收稅章程。總須俟議定後。再過四箇月。方可通行。今洋藥亦係徵收稅。

課事同一例。未便倉卒興辦。況今條約未換。各事均未施行。更不便專提洋藥一項。晚諭華夷商民。使之遵守。目前礙難起徵。芽等細查。暎夫條約第五十六款開載。本約定後。以一年為期。彼此互相交付。又第二十八款開載。現今立約之後。或在現通商各口。或在日後新開口岸。限四箇月為期等語。與該領事照覆之意相符。至內地各關。即可先照新章通行收稅。上海向有議捐洋藥。每百斤。抽收銀二十兩。經何桂清奏明辦理。因係勸令各商捐輸。並經表准。照海疆例。給予議敘。自咸豐七年至今。悉經遵辦在案。此項銀兩。因江南軍餉起見。初由

欽差大臣和春派員勸辦。止收十兩。嗣經藩司王有齡整頓捐務。始加至二十兩。江南軍餉。賴以接濟。現定新章。各關洋藥稅銀。均應另為一款。一月造報一次。每屆三箇月。委解進京。不准截留抵撥。上海義捐一項。為數甚鉅。江南軍餉。頗資接濟。今若遽行提解進京。則江南大營。立少此款。應否暫行仍歸江南軍餉。俟新章開後。再由該督撫奏請斟酌。妥辦。抑應即照新章。至三箇月解往京師之處。均俟

聖主鴻裁。

諭軍機大臣等。桂良花沙納奏。遵查洋藥弊端一摺。覓奏均悉。所稱據各國領事照覆。向來中外收稅章程。須俟議定後。再過四

箇月方可通行。今洋藥亦係稅課事同一例。未便倉卒興辦等語。與暎夷條約所載立約之後。於各口岸限四箇月為期之說。大畧相符。著准其俟換約後。過四箇月。再定通行收稅。至內地各關收稅。非夷稅可比。即可先照新章通行徵收。不得援上海為例。至上海於洋藥內本係抽釐辦法。假名義捐。屢經援照海疆例請獎。殊屬未協。此後著仍照釐捐一體辦理。不准再有義捐名目。亦不准再請議敘。其抽收銀兩。既為接濟餉需。不便遽行提解進京。著將上海所收洋藥稅銀。暫歸江南軍餉。俟軍務稍定。再由何桂清等照新章辦理。並著該督將所收洋藥稅銀。仍照新章。每屆三箇月。委解進京。不准截留抵撥。如地方官有



影射浸吞各弊。仍著何桂清據實參奏。至夫稅通四箇月後。即照新章。仍屆三箇月解部一次。不准截留。是為至要。

庚午。

欽差大臣科爾沁親王僧格林沁奏。竊自抵天津海口。已及一月。布置漸有頭緒。值此海防喫緊。惟當督率各營官兵。排列隊伍。演放礮位。嚴密設防。僅夷船一二隻駛進海口。謹遵訓示。由地方官派員。迎至欄江沙外。與之理論。等斷不敢輕舉。肇釁。設三五隻以上。蜂擁而至。是決裂情形已露。自未便專恃萬全。且重防設備海口。若仍俟闖入內河。已入咽喉重地。再行觀釁而動。則毫無把握。必至如去歲所墮詭計。似

宜以攔江沙內難心灘為限。雖仍慮連。

旨派員往諭。然即須加倍提防。設竟闖入難心灘。勢不得不備。以

兵威。只可鼓舞將士。奮力截擊。開礮轟打。以伸

天討而扼妖氛。總之我

國家專恃柔遠羈縻。該夷等斷不知感動。貪求無厭。何能滿  
其所欲。即如該夷新聞內開。該國上年支出公費。軍費。與  
中國交仗軍費各銀數。其情又屬巨濶。是撫馭不能了局。  
備以兵威。免跋挫衄之後。亦必沿海各處肆擾。勦擊亦難  
了局。此時惟有沿海團練。同深敵愾。並請

密飭江浙督撫。設法籠絡其餘恭順各國。毋令結黨以孤其勢。日

久可望有效。

論軍機大臣等。僧格林沁奏。接奉密寄諭。旨。覆陳籌備機宜一摺。據稱。失船如到天津。擬以難心灘為限。該處係在欄江沙內。前次諭令派員前往。理諭須至欄江沙外。撫勸目不相妨。文煜於二十五日自省起程。計期已可到防。著僧格林沁與之會商。先行派出明幹委員一。聞失船駛至。即迅速往詢其來意。如果聲稱互換和約而來。可告以此間專候上海來信。爾既在彼議定。則欽差大臣亦必折回。與爾了結此事。一俟上海文到。應令幾人進口。此間定當撥兵護送。決不攔阻。我中國總誠心待人。斷不失信。若無上海文移。天津實難擅准。或在欄江沙外等候。或

回上海候信。總不能遽行放入。爾若闖入內河。則民團鄉勇。不免與爾為難。設有損失。地方官不任其咎。總在派出之員。隨機應變。與之羈縻。以待桂良等奏到。若竟恃其船多一擁而前。直入雞心灘。則是有意尋釁。亦不能不備以兵威。惟在僧格林沁相機酌辦。至西林郭勒馬匹。據慶鈞奏到。於二月十六日。由左翼四旗一帶草地。送入熱河境內。昨已諭知常清迅速分解矣。

辨夷務始末卷之三十五